




Eine grausame und erschröckliche Propheceyung oder Weissagunge über Deutschlandt, Brabandt und Franckreich

<https://hdl.handle.net/1874/255420>



RARIORA
oct.


94

FRIES, Wilhelm de. Eine grausame vnd Erschröckliche Propheceyhung, oder Weissagunge, vber Deutschlandt, Brabandt vnd Franckreich. Diese Propheceyhung ist gefunden worden zu Maastricht, bey einem Gottsfürchtigen Manne, Wilhelm de Friesz, nach seinem Tode, 1577.
Small 4to. 4 leaves. Modern boards.

Basel, Samuel Apiarius, 1577.

Interesting Prognostication by a certain Wilhelm de Fries at Maastricht, supposedly found among the papers left after his death. This man (or rather the name) must have had some reputation in the second half of the 16th century, since under this name other prognostications are recorded from 1558 till 1587 (cf. Hohenemser, nos. 4-6, 103 and 138; Brit. Mus. STC of German Books, p. 321).

A fine copy.



**Eine grausame vnd Er-
schröckliche Propheceyhung/oder Weiss-
gunge/vber Deutschland/Drabandt vnd
Frantreich.**

**Diese Propheceyhung ist gefunden wor-
den zu Mastrich / bey einem Gottsfürchtigen
Manne/Wilhelm de Friesz/nach seinem
Tode/ 1577.**

1. Thessalon: 5. Cap:

Den Geist dempffet nicht. Die Weissagung vers-
achtet nicht. Prüfet aber alles/vñ das Gute behaltet.



1577.



Eine grausame vnd erschreckliche Propheceyhungē/ oder Weissagungē vber Deutsch-
landt/ Brabandt/ vnd Franckreich.

Anno 1577. den 24. tag Aprilis/ Als ich in der
nacht/ vmb zwölff vhr/ da ich auff meinem Bett
lag/ vnd wachte/ Da kam ein ein schöner junger
Man zu mir/ vnd sprach mich an: Er sprach zu mir/
Sehe was geschehen sol/ vñ mercke fleissig auff/ Das
mals richtet ich mich auff/ vnd von stundt an dāuchte
mich/ das ich auff einem hohen Berge/ mitten inn
Deutschlandt war/ daselbst saget der junge Man zu
mir: Wende dich gegen Mitternacht/ da wil ich dir
zeigen/ wie grausam Gott die Welt straffen wirdt/ vnd
ich thet es/ Da sahe ich ein gros Volck hinnein ziehen
gegen Deutschlandt/ dieselbigen hatten viel Fahnen/
Reuter vnd Fusvolck/ ihre Fehnlein waren schwartz/
vnd hatten weisse Crentzer/ vnd sie kamen an ein gros
Wasser/ da Reit ein grosser starcker Man vor/ auff eis-
nem schwartzen Pferd/ sein Kleid war eitel Blut/ vnd
hatte ein gros Dorn in seiner Dand/ vnd er sprach zu
seinem Volck/ ir solt stille stehen/ vnd wartet/ bis wir
vns er mitgesellen ruffen/ das dieselbigen zu vns kom-
men. Vnd er blies das Dorn/ vñ man hörte dasselbige
weit vnd breit. Damals sprach der junge Man zu mir/
Kere dich vñ sehe gegen dem vntergang der Sonnen/
vnd ich thet dasselbige/ da sahe ich ein grausam gros
Volck kommen/ vnd zogen gegen Mitternacht/ welche
gar erschrocklich sahen/ vnd hatten viel Fahnen/ wie
die vorigen/ Aber ire Fehnlein waren/ Weis vnd Rot/
vnd hatten ein Rot Creutz darinnen/ vnd ihre Kleider
waren

waren auch also/ vnd einer Reit vor ihnen hin auff ei-
nem roten Pferde/ derselbige sahe wie ein böser geist/
Lewen vnd Beeren folgten im nach/vnd trieben die
selbigen hefftig an/vnd die so sich verhinderten/zerris-
sen sie von stund an/vnd eine helle stimme gieng vnter
ihnen aus: Eylt euch sehr fleisch zu fressen. Vnd ich
erschrockt grausam/ das ich geschwind nider fallen
wolte/damals sterckte mich der junge Man/vñ sprach/
sey getrost/vnd verzage nicht/denn ich wil dir mehr zei-
gen/vnd er sprach zu mir: Wend dich legen dem Auf-
gang/vnd ich thet es/daselbst sahe ich widerumb ein
grausam Volck ziehen gegen Mitternacht/mit Reutter
vnd Fahnen wie die vorigen/ire Fahnen waren Rot/
vnd ein fewrig Schwert darinnen/vnd ihre Kleider
waren auch Rot/vnd mit Blut besprenget/vnd ein ge-
waltiger geharnischter Man zoge fur ihnen her/der so
gros war/das ich nie mehr desgleichen gesehen ha-
be/vnd sein Darnisch glantzert vber die masse/vnd das
selbest stunden viel güldene Buchstaben an/vñ er rieff
sein Volck hefftig an/Eylt sehr/denn wir wollen iren
Kath verstoren. Da fragte ich den jungen Man/Wer
der Man were/Darauff antwortete er: Er ist der Ver-
derber/Da fragt ich in abermals: Was das für buch-
staben weren an ihm geschrieben/Darauff antwortet
er mir: Alle Plagen vnd straffungen die er ausrichten
sol/vnd sie eylten vnd zohen gar schnell heran. Da sie
nun zusammen kamen/da beschlossen sie eintrechtig-
lichen einen Rath/vnd wurden eins/Alle Lender zu
straffen vnd zu Plagen/Vnd dasselbige war so ein vn-
zalbar menge Volckes/das mich verwundert/wie so
viel Menschen sein köndten. Vnd ich sprach zu dem
2 2 jungling/

jüngling: Wer kan das Volck all zehlen/ oder wie viel
sind der Fahnen? Da sprach er zu mir/ des Volckes
ist eine grosse anzal/ aber der Fahnen sindt Hundert
vnd vier vnd sechtzig Tausent/ vnd sie rüsteten sich ge-
waltig dieweil sie am Wasser waren/ vnd wie sie nahe
zusammen kamen/ kam ein grausamer Erschrecklicher
grosser Mann/ zwischen dem Auffgang vnd Mitter-
nacht zu ihnen/ vnd hat derselbige ein erschrocklich
Volck bey jm/ die theten eben wie Beeren/ vnd zu wem
sie kamen den erwürgeten sie/ Ausgenommen von dies-
sen obgenanten Leuten/ welche on zahl waren/ vnd
das Volck zerteylte sich/ vnd liessen denselbigen grau-
samen Man mitten durch ziehen/ vnd er stalt sich for-
nen an die Spitze/ vnd hatte einen gülden Kelch in sei-
ner rechten Hand/ der vol Bluts war/ vnd in seiner
Lincken handt ein junges Kindlein/ vnd er tranck aus
dem Kelche/ vnd darnach ass er ein zeitlang von dem
Kinde/ das triebe er so lange/ bis er den Kelch aus-
tranck/ vñ das Kindlein auff ass/ bis auff den Kopff/
darnach nam er den Kelch vnd des Kindes Kopff/ vnd
warffs vnter das Volck/ vnd sie zertratten dasselbige
mit füßen/ vnd von stunden an lies sich allgemach ein
blutig Schwert von Himmel herab/ vnd er bekam
dasselbige in die Faust/ vnd rieß mit lauter Stimme/
vnd sprach: Wehe euch Deutschland/ Wehe euch
Brabandt/ vnd Franckreich/ Wehe euch allen Lan-
den/ Wehe der Erden/ O wie glücklich ist der/ so auff
euch nicht gebehret hat/ denn ich dein verterber kom-
me/ vnd verziehe nicht/ Wehe den jungen Gesellen vnd
jungen Töchtern/ Wehe den stoltzen Knaben/ vnd
grossen Herren/ Denn das Landt wirdt mit meiner
Hand

Hand erfüllet werden. Vnd da er solches ausgesprochen hat/zohe er fort/ vnd alles Volck mit jme/ vnd erwürget/ vnd gieng grausam vmb mit allen die/ so er fandt/ vnd derselbige triebe er so weit vñ breit/ bis das mich dauchte/er were hart bey mir/damals fiel ich nieder vnd kam von mir selbest/ vnd weis doch nicht wie lang ich an demselbigen Platz bin gelegen/ Da kam der junge Man/ vnd nam mich bey der Handt/ vnd sprach: Stehe auff/ Es ist alles fürüber/ vnd ich thet es/ vnd ich sahe sehr weit vmb mich her/ vnd ich sahe keinen lebendigen Menschen mehr/ Aber mich dauchtet das das gantze Erdtreich alles Blut war/ von wegen des würgens vnd Mordens/ so sie hatten gethan. Da sagte ich zu dem jungen Manne/ Ist denn niemandts mehr der da lebet auff Erden? Da sprach er: Kere dich gegen dem Mittag/ vnd ich thet es/ daselbst sahe ich ein klein heuslein Volcks gegen mir ziehen in schwarzen Kleidern/ sie trugen auch etliche weisse Fahnen/ Vnd ein Erbar weiser Man/ gieng für ihnen her/ vnd hatte einen grauen Bart/ derselbige het ein gülden Buch in seiner lincken Handt/ vnd ein gülden Posaune in der rechten Handt/ vnd er blies dieselbige auff/ vnd gab ein gros gelauff/ da kamen aus den dick en Püschchen/ vnd vber die hohen Berge/ noch ein wenig Volcks/ die vberblieben waren vnter ihnen/ vnd sie thetten jnen auch schwarze Kleider an/ vnd sie satzten sich zusammen an ein gros Wasser/ wie der Rhein/ vñ der Mañ/ der das Buch hatte/ Lerte sie aus demselbigen die fürcht Gottes/ vñ die verführten weist er auff den weg Gottes/ vnd als er nun aus geleret hatte/ satzten sie sich auff die Knie/ vnd Betteten Gott an/ dar

nach stunde der Mañ mit allem volck auff/vnd sprach:
Last vns von hinnen ziehen/vnd die Erden beklagen.
D du Welsche Welt/nu hebe an zu klagen vnd zu weis-
nen/denn grosser schmerz naht dir/ von deiner gross-
sen Sünde wegen/den der Wind hat das Fewr so fest
entzündet/das es nicht wol erlescht mag werden.

Mancher meint/ es gehe ihn nicht an/ drumb das
er sich halt an beyden theilen/doch so wird im sein ruh
gebogen zu demselbigen Spiel/ Er gedencet nicht/
das die zeit naht/vnd das Fewr an ihn rüret/sie bes-
dörffen wol eines Kochs der ihnen ihr essen bereite.

Ein grosses Volck von Deutschen/wirdt sich vers-
samen wenn das Fewr an sie beginnet zu rüren/vnd
der Rauch wirdt hart an sie kommen/ Es werden viel
Graffen vnd Herren keiner sicher sein/ sie werden emp-
finden von dem Winde des grossen vngewitters/ D
wie gros Blutuergiessen werden sie thun vnter denen/
die do Herrschafft suchen/vñ Herrschen wollen wie-
der Recht.

D Brabant/ D Franckreich/ D Deutschlandt/
schreyet vnd heulet jr Dirten vñ Regierer/vnd thne die
Kleider der freuden von dir/ bekleide dich mit Aschen/
vnd zeng ein Daerin Kleid an/ als vberlein angeboren/
vnd sprich: Ich habe mir ein Volck auffgezogen/vnd
erhöhet/Aber es hat mich verachtet. Es ist mir wor-
den wie ein Löwe/der jemand noch stellet. D du armes
volck was ist fur ein frembdes Volck vnter dir erstan-
den/ Es ist nicht ein Regierend Volck/ sondern zerstö-
rer/nicht beschützer/sondern vnterdrucker der Waisen
vnd Witwen durch gantz Deutschlandt. Es wirdt
die Deutschen duncken/es gehe sie nicht an/ Also/das
gemeine

gemeine Volck sagen wirdt/ Einer sonst/der ander so.
Da diese Reden vollendet waren/ fuhrte mich der junge
Mann wieder auff meine Kammer/ vnd da ich wieder
zu mir selber kam/ hat die Glock vier Uhr geschlagen.

Kurze Propheceyhung oder Weissagung von dem zukommenden 1588. Jhare.

Dieses 1588. Jhar/ ist ein wunderbarlich Jhar/
dergleichen in Tausent jaren/ nicht eins gewesen ist/
der Allmechtige gütige Gott/ ein Vater aller Barm-
hertzigkeit/wolle alle ding zum besten keren/Denn es
wirdt ein grosser Cometsstern gesehen werden/ darauff
werden grausame vnd erschreckliche/ zuuor vnerhörte
dinge erfolgen/ darumb die Alten nicht vnbillig von
diesem Jhar/ die nachfolgende Vers gemacht haben:

Wenn man zehlen wirdt 1580 vnd acht/
Das ist das Jhar das ich betracht.
Gehr in deme die Welt nicht vnder/
So geschicht doch sonst mercklich wunder.

Den es wirdt sich in diesem Jhar lassen ansehen/
so erschrecklich / das keines lebendigen Menschens
zunge wirdt aussprechen können/den es werden solche
grausame vnd erschreckliche Wetter kommen/ dadurch
sich alle lebendige Creaturen entsetzen vnd erschrecken
werden/Den es lest sich ansehen/ als wolle die gantze
Welt zu grundt vnd boden gehen.

Item. Es wirdt alles trawrig sein/alle Element die werden trawren/
alle Menschen auff Erden/ Die Vogel in den Lüfften. Item/ alles was in
der Erden lebet/wirdt trawrig sein fur grossen vnglück vnd zukünfftigem
vbel/des sol niemand hieran zweiffeln/denn gewiss ist/das eine grosse ver-
derunge vber die ganze Welt ergehen werde. Aber natürlicher weise/ was
die bedeurung anbelangt/ befinde ich zum ersten gros erschreckliche Erd-
böben/

hoben/ vnd grosse gewesser/ dadurch die wachsende Fruchte auff dem Felde
vnd Gerten verhindert/ vnd vbel gerahen werden.

Zum Andern/ so wirds in aller Welt/ Brennen vnd Rauben/ vnd gross
ser Krieg vnd Aufruhr/ Es wirdt kein Fried noch freundschaft erfunden
werden.

Zum Dritten/ So wirdt grosse Theurung/ Hunger/ vnd Pestilenz erfol-
gen/ was weiter geschehen möge/ das befehlich der hohen Göttlichen Ma-
rester. Denn wir Menschen seind hierinne viel zu schwach/ die geheimnis alle
zu offenbaren/ Allein bitte ich einen jedern Menschen/ Hohes vnd niedern
Standes/ das er wolle Busse thun/ vnd sein Leben bessern/ denn niemand
weis wenn der Breutigam Kommen wirdt.

Die jetzt erzehleten zukünfftigen dinge/ das da in künfftigen Tharen ges-
chehen sol/ mit glaubwürdigen versachen vnd bewegnissen anzeigen warlich
nicht freuentlich vnd vnbesonnen/ auch nicht mit einem stolzen vnd auffges-
blasenen mute/ Sondern als ein Vereeliche warnunge vnd vermanung/ das
mit ich warne vnd vermane höchlich vnd mit ernst alle Menschen/ vnd son-
derlich alle Obrigkeit/ das sie hülffe vnd Rath suchen wollen/ damit man
dem künfftigen vnglück begegne/ vnd viel arges verhüten köndte. Derhalb-
ben mag sich ein jeder hütten vnd fürsichen/ so viel sie mögen/ vnd wolt nicht
einem jeglichen geist glauben/ Denn Glaube vnd Trew ist nun zur zeit ein
seltsamer Vogel in der Welt/ wo aber nun kein Glaube noch trew ist/ da kan
kein gutter Rath sein/ vnd wir keinen andern Rath auff Erden finden könn-
en/ So ist kein ander zusucht/ denn das wir bey Gotte dem aller höchsten/
Rath/ Hülffe vnd beystandt suchen.

Derhalbten last vns alle anruffen/ vnd andechtiglich bitten/ denselbigen
gärtigen vnd barmherzigen Gott/ vnd vnsern Herrn Ihesum Christum/
das er vns durch seine gnade wolle vorzeihen vnser Missethat/ wolt vns be-
keren zum gutten/ vns in einem ewigen Friede erhalten/ vnd seinen zorn von
vns wolle gnediglich abwenden/ *zc.*

Sybilla.

Wir seind die/ auff welche Kommen ist/ das endt der Welt/ Das böse ist
nahe bey dem gutten/ Erwehle das gute/ vnd verwerff das böse/ *zc.*

Brigida.

Vertraue auff Gott/ vnd thue guts/ bitte das alle ding zum besten Kom-
men/ denn Gott hat allein macht/ alles zukünfftige vnglück gnediglich ab-
zuwenden/ Amen.

Gedruckt zu Basel/ bey Samuel
Apicario/ Anno 77.

aa 6517

